

De Columna Klunne



GRÆCORVM
RES PVBLICÆ
ab
VBBONE EMMIO
Descriptæ.
Cam Privilegio.

LVGD. BATAVORVM,
Ex Officina Elzeviriana Anno 1632.
C. C. D. Sculp.

BIBLIOTHECA
MUSEI HISTORICO-NATURALIS
3
CONTENTA
hoc libello.

VBBONIS EMMI

Status Reipublicæ duarum ci-
vitatatum Atticæ & Laconicæ
succincta delineatio.

I.

De Republica Atheniensium.

II.

De Inclinatione & interitu Rei-
publicæ Atticæ.

III.

De Republica Laconum.

IV.

Appendix descriptioni Reipu-
blicæ Laconicæ subjicienda.

Complexa historiam succin-
ctam labentis tum Reipub.
& Status, tum fortunæ Lace-
dæmoniorum.



UBBONIS EMMI

STATVS

REIPVBLICÆ

duarum civitatum Atticæ &
Laconicæ succincta
delineatio.

Civitatum Græcarum florentibus ejus gentis rebus longe clarissima fuerunt Athenæ & Lacedæmon, velut oculi duo inter cæteras emicantes, æmula inter sese, & de principatu non gloria solum, sed etiam potentia decertantes: acciditque ut plurimum, ut ab harum motus & contentiones universa ferè Græcia in diversa studia scinderetur. Ita fit, ut qui harum status ignarus sit, infelicitè in cognoscendis Græcorum rebus bello & pace gestis versetur. Vtriusque vero statum & rempubl. peculiaribus libellis delineatam summus auctor, qui nemo propius rem nosse poterat, Xenophon nobis reliquit, & multis sæculis post eum

Plu

Plutarchus in vita Lycurgi & Solonis: sed delineatam tantum. Nam Xenophon ut de re passim suo sæculo nota scribens, stricte quædam de forma civitatis utriusque notavit, magisque, quid in hac aut illa probaret aut reprehenderet, ostendit, quam quæ ad cognoscendum totum statum pertinerent, exposuit. Plutarchus vero aliud agens hoc argumentum tractavit obiter, & multa omisit. Aristotelis libri de variis rebuspub. ac præcipue de Attica & Laconica ad nos non pervenere. Dicaarchus Siculus Messanensis, auditor Aristotelis, præclarus philosophus, cujus sæpe meminit Cicero, πολίτησιν Laconicam peculiari quoque libro expositam comprehendit: cui libro tantum honorem tribuere Spartani, teste Suida, ut lege lata præceperint quotannis eum in curia ephororū recitari publice, auscultantibus omnibus, qui erant in ætate pubere: idque diu observatum idem Suidas affirmat. Sed & hoc σύγγραμμα multo tempore ante nos interiit. Interiere etiam commentarii Dioscoridis de eadem Laconum republ. scripti, quos & Plutarchus citat in Lycurgo, & Athenæus ἀποστοφιστῶν libro quarto. Ætate nostra Atheniensem rempublicam Carolus Sigonius Italus, antiquitatis sagacissimus

A 3

inda-